



## УЛСЫН ТӨСВИЙН ХӨРӨНГӨ ОРУУЛАЛТААР ШИНЭЭР ХЭРЭГЖҮҮЛЭХ ТӨСЛИЙГ ҮНЭЛЭХ, ЭРЭМБЭЛЭХ, СОНГОХ АРГАЧЛАЛ

/Аргачлал – 3/

### Нэг. Ерөнхий зүйл

- 1.1. Улсын төсвийн хөрөнгө оруулалтаар шинээр хэрэгжүүлэх барилга, байгууламжийн төсөл (цаашид төсөл гэх)-ийг үнэлэх, эрэмбэлэх, сонгоход энэхүү аргачлалыг баримтална.
- 1.2. Энэхүү аргачлалын дагуу үнэлж, эрэмбэлэх, сонгох төсөл нь “Улсын төсвийн хөрөнгө оруулалтаар шинээр хэрэгжүүлэх төслийн эдийн засгийн үр ашиг, нийгмийн ач холбогдлыг тооцох аргачлал” (цаашид “Аргачлал 3” гэх)-д заасны дагуу холбогдох шинжилгээ хийгдэж, төслийн суурь мэдээллийг бүрдүүлсэн байна.
- 1.3. Энэхүү аргачлалыг хэрэгжүүлэхэд Улсын хөрөнгө оруулалтын удирдлагын цахим систем (цаашид “Цахим систем” гэх)-ээр үнэлгээг хийх бөгөөд холбогдох гарын авлагыг баримтлан ажиллана.

### Хоёр. Төслийг үнэлэх, эрэмбэлэх, сонгох үйл ажиллагаа, үе шат

- 2.1. Төслийг үнэлэх, эрэмбэлэх, сонгох үйл ажиллагааг дараах үе шат, цаглабраар<sup>1</sup> хэрэгжүүлнэ. Үүнд:

Үе шат	Хэрэгжүүлэх процесс	Хугацаа
1-р үе шат: Төслийг үнэлэх	Төсвийн ерөнхийлөн захирагч Аргачлал 2-ын дагуу хийгдсэн шинжилгээнд үндэслэн үнэлгээний шалгуур үзүүлэлтийн дагуу оноо өгч шинээр хэрэгжүүлэх төслүүдийг тодорхойлж, жагсаалтыг Сангийн яаманд хүргүүлнэ.	Жил бүрийн 06 дугаар сарын 01-ний дотор
	Сангийн яам ирүүлсэн төслүүдийн үнэлгээний оноог хянаж, шаардлагатай тохиолдолд оноог засварлаж, хэрэгжүүлэх боломжтой төслүүдийн жагсаалтыг төсвийн удирдамжийн хамт Төсвийн ерөнхийлөн захирагч нарт хүргүүлнэ.	Жил бүрийн 07 дугаар сарын 05-ны дотор
2-р үе шат: Төслийг эрэмбэлэх, сонгох	Төсвийн ерөнхийлөн захирагч Сангийн яамнаас ирүүлсэн төслийн жагсаалтад орсон төслүүдийг сонгох шалгуур үзүүлэлтийн дагуу оноо өгч эрэмбэлэн, төсвийн төсөлд тусгах саналаа Сангийн яаманд хүргүүлнэ.	Жил бүрийн 08 дугаар сарын 15-ны дотор
	Сангийн яам ирүүлсэн төслүүдийн сонгох шалгуур үзүүлэлтийн оноог хянаж, шаардлагатай тохиолдолд оноог засварлан эрэмбэлж төсвийн төсөлд тусгах нэгдсэн жагсаалтыг боловсруулна.	Жил бүрийн 09 дүгээр сарын 15-ны дотор

- 2.2. Төслийг үнэлэх 1-р үе шатанд төслийг Аргачлал 2-т заасан шинжилгээний үр дүнд тулгуурлан дараах 7 шалгуур үзүүлэлтээр үнэлнэ. Үүнд:

2.2.1. Бодлогын баримт бичигт тусгагдсан байдал;

<sup>1</sup> Ерөнхий загварыг Аргачлалын хавсралтын Хүснэгт №1-ээр оруулав.

- 2.2.2. бусад төсөл, хөтөлбөрийн хэрэгжилттэй холбоотой эсэх;
  - 2.2.3. эдийн засгийн үр ашиг, нийгмийн ач холбогдол;
  - 2.2.4. төслийн хүчин чадлын ашиглалт;
  - 2.2.5. төслийн зардлыг бүрэн тооцсон эсэх;
  - 2.2.6. төслийн болзошгүй эрсдэл;
  - 2.2.7. төсөл хэрэгжсэний дараа үйл ажиллагааг нь үр ашигтай тогтвортой удирдах туршлага, чадавх байгаа эсэх.
- 2.3. Төслийг сонгох 2-р үе шатанд Сангийн яамнаас төсвийн төсөлд тусгах боломжтой болохыг нь 1-р үе шатны үнэлгээгээр тодорхойлсон төслүүдээс дараах 9 шалгуур үзүүлэлтээр үнэлж, сонголтыг хийнэ. Үүнд:
- 2.3.1. Засгийн газрын үйл ажиллагааны хөтөлбөрт тусгагдсан байдал;
  - 2.3.2. тухайн жилийн хөрөнгө оруулалтын бодлогын чиглэлд нийцэж буй байдал;
  - 2.3.3. тухайн жилийн үндсэн чиглэлтэй нийцэж буй байдал;
  - 2.3.4. төслийн зардлыг бүрэн зөв тооцсон эсэх;
  - 2.3.5. санхүүжилтийн эх үүсвэрийн төрөл;
  - 2.3.6. урсгал зардлыг тогтвортой санхүүжүүлэх боломжтой эсэх, төсөвт үзүүлэх ачаалал;
  - 2.3.7. төсөл хэрэгжүүлэх явцад гарч болзошгүй эрсдэл;
  - 2.3.8. төслийг хэрэгжүүлэх бусад нөхцөл бүрдсэн эсэх;
  - 2.3.9. төсвийн ерөнхийлөн захирагчийн эрэмбэлсэн байдал.
- 2.4. Төслийг эрэмбэлэх, сонгох 2-р үе шатанд зөвхөн эрх бүхий байгууллагаас олгосон газрын зөвшөөрөлтэй, тухайн газар нь чөлөөлөгдсөн болон барилга байгууламжийн зураг төсөлд магадлал хийлгэж, дүгнэлт гаргуулсан төслүүдийг оруулж үнэлнэ.
- 2.5. Энэхүү аргачлалын 2.2 болон 2.3-т заасан ангиллын шалгуур үзүүлэлт бүр нь тус тус 5 асуулгатай байх ба төслийг үнэлэхдээ тухайн шалгуур үзүүлэлтийг хэрхэн хангаж байгааг Аргачлалын хавсралт дах Хүснэгт №2 – №3-т заасан тохирох хариултыг сонгосноор оноо өгөгдөнө.
- 2.6. Төслийн үнэлгээний 1-р үе шатны шалгуур үзүүлэлт тус бүрийн оноо нь төслийн стратегийн ач холбогдол, эрэлт хэрэгцээ, эдийн засгийн үнэ цэнэ, санхүүгийн үндэслэл, болзошгүй эрсдэлийг үнэлнэ.
- 2.7. Төслийг сонгох 2-р үе шатны шалгуур үзүүлэлт тус бүрийн оноо нь төслийн бэлэн байдал, богино хугацааны хөгжлийн бодлого, чиглэлтэй нийцэж буй байдал, улсын төсөвт нөлөөлөх ачаалал, төсөл хэрэгжүүлэх явцад гарч болзошгүй эрсдэлийг хянаж удирдах, төсөл хэрэгжүүлэх нөхцөлийг хангаж буй эсэхийг үнэлнэ.
- 2.8. Төслийн үнэлгээг Цахим системд оруулсан төслийн дэлгэрэнгүй мэдээлэл, нотлох баримт бичигт үндэслэн гүйцэтгэнэ.

### **Гурав. Төслийг үнэлж, оноо өгөх процесс**

- 3.1. Төслийг үнэлэх 1-р үе шат болон төслийг сонгох 2-р үе шатанд төслийг үнэлж, оноо өгөх процесс нь Цахим системийн үнэлгээний матрицаар хийгдэнэ.
- 3.2. Цахим системд Аргачлалын 2.2 болон 2.3-т заасан ангилал болон шалгуур үзүүлэлтүүд, түүнд хамаарах оноо өгөх асуулга, ач холбогдлыг нь харгалзан 1 – 3 дахин нэмэгдүүлэх тогтмол жинг Сангийн яамнаас оруулсан байна.
- 3.3. Төсвийн ерөнхийлөн захирагчийн түвшинд төслийг Цахим системийн холбогдох цэсэд дараах байдлаар үнэлж, оноо өгнө. Үүнд:

<b>Төсвийн ерөнхийлөн захирагчийн төслийг үнэлж, оноо өгөх ажиллагаа</b>		
Хариуцах этгээд, чиг үүрэг		Хийгдэх ажиллагаа
<b>Хөрөнгө оруулалтын асуудал хариуцсан мэргэжилтэн</b>	Мэргэжилтэн тухайн төсөл нь үнэлгээний шалгуур үзүүлэлт тус бүрийг хэрхэн хангаж буйг харгалзах оноо бүхий 5 асуулгаас сонгож төсөлд оноогоор үнэлгээ өгнө.	1/ Аргачлал 2-ын дагуу хийсэн төслийн шинжилгээний үр дүн, тооцоолол, үндэслэл, дэлгэрэнгүй мэдээлэл, тэдгээрийг нотлох баримт бичгүүдийг Цахим системийн холбогдох цэсээр оруулж, файлыг хавсаргасан байна.
		2/ Тухайн санхүүгийн жилд шинээр эхлэх төслүүдийн жагсаалт Цахим системийн "төслийг үнэлэх, сонгох" цэсэд гарч ирсэн байх ба төсөл тус бүрээр үнэлж оноо өгнө.
<b>Ажлын хэсэг</b>	Мэргэжилтний үнэлж эрэмбэлсэн төслүүдийг төсөл тус бүрээр хэлэлцэх ба шаардлагатай тохиолдолд засварлаж, төсөвт тусгах төслүүдийн талаар нэгдсэн шийдвэр гаргана.	1/ Цахим системд хөрөнгө оруулалт хариуцсан мэргэжилтний оруулсан төслийн мэдээлэлтэй танилцсан байна.
		2/ Хөрөнгө оруулалт хариуцсан мэргэжилтний онооны үнэлгээний тайлбар тайланг сонсож хэлэлцэнэ.
		3/ Төслийг хэлэлцэх явцад гарсан асуулт, тодруулга, тайлбарын дэлгэрэнгүй тэмдэглэл хөтөлж, нэгдсэн шийдвэрийн хамт баталгаажуулсан байна.

3.4. Сангийн яамны түвшинд төслийг цахим системийн холбогдох цэсэд дараах байдлаар үнэлж, оноо өгнө. Үүнд:

<b>Сангийн яамны түвшинд хийгдэх төслийг үнэлж, оноо өгөх ажиллагаа</b>		
Хариуцах этгээд, чиг үүрэг		Хийгдэх ажиллагаа
<b>Төсвийн хөрөнгө оруулалтын асуудал хариуцсан нэгж</b>	Төсвийн ерөнхийлөн захирагчдын үнэлж эрэмбэлэн ирүүлсэн төслийн багцыг хариуцсан мэргэжилтэн хянаж шаардлагатай тохиолдолд төслийн оноог засварлана.	1/ Цахим системд Төсвийн ерөнхийлөн захирагчийн хөрөнгө оруулалт хариуцсан мэргэжилтний оруулсан төслийн мэдээлэлтэй танилцсан байна.
		2/ Төсвийн ерөнхийлөн захирагчийн Ажлын хэсгийн төсөл хэлэлцсэн дэлгэрэнгүй тэмдэглэл, шийдвэртэй танилцсан байна.
		3/ Цахим системийн "төслийг үнэлэх, сонгох" цэсэд гарч ирсэн Төсвийн ерөнхийлөн захирагчийн төсөл тус бүрийн үнэлгээний оноог хянаж, өөрчлөх тохиолдолд Сангийн яамны оноо гэсэн цонхонд оноог засварлана.
<b>Төсвийн хөрөнгө оруулалтын асуудал хариуцсан нэгжийн дарга</b>	Төсвийн хөрөнгө оруулалтын асуудал хариуцсан нэгжийн нэгтгэн гаргасан төслүүдийг хянаж хэлэлцээд шаардлагатай тохиолдолд төслийн оноог завсарлаж, эцсийн үнэлгээг гаргана.	1/ Төсвийн ерөнхийлөн захирагчийн Ажлын хэсгийн төсөл хэлэлцсэн дэлгэрэнгүй тэмдэглэл, шийдвэртэй танилцсан байна.
		2/ Төсвийн хөрөнгө оруулалтын асуудал хариуцсан нэгжийн онооны үнэлгээний тайлбар, тайланг хэлэлцэнэ.
		3/ Төслийг хэлэлцэх явцад гарсан асуулт, тодруулга, тайлбарын дэлгэрэнгүй тэмдэглэл хөтөлж, нэгдсэн шийдвэрийн хамт баталгаажуулсан байна.

3.5. Төсвийн ерөнхийлөн захирагчийн түвшинд Ажлын хэсэг, Сангийн яамны түвшинд Төсвийн хөрөнгө оруулалтын асуудал хариуцсан нэгжийн даргын хүлээн зөвшөөрсөн төслийн шалгуур үзүүлэлтүүдийн оноо нь Сангийн яамны оруулсан харгалзах тогтмол жингээр үржигдэн гарснаар төслийн нийт эцсийн оноо тодорхойлогдоно.

3.6. Төслүүдэд өгсөн онооны үр дүнг буюу төслүүдийн эрэмбийг Цахим систем нь дүрст графикаар гаргана. Ерөнхий дүрслэл болон тайлбарыг холбогдох гарын авлагаас тодруулж үйл ажиллагаандаа ашиглана.

- 3.7. Шинээр хэрэгжүүлэх бэлтгэл бүрэн хангагдаагүй, нэмэлт үйл ажиллагаа шаардлагатай төслүүдийг хэрэгжүүлэх хугацааг хойшлуулан Цахим системд үлдээх ба хэрэгжүүлэх шаардлагагүй гэсэн дүгнэлт гарсан төслүүдийг Цахим системийн тусгай цэсэд хадгална.
- 3.8. Төсвийн ерөнхийлөн захирагч болон Сангийн яамны хүрээнд үнэлэгдсэн төслүүдийг Цахим системийн "төслийн үнэлгээ, сонголт" цэсээс файлаар болон хэвлэн авах боломжтой.

#### **Дөрөв. Төслүүдийг эрэмбэлэх, сонгох зарчим**

- 4.1. Төсвийн ерөнхийлөн захирагч нь Цахим системийн "төлөвлөгөө/төсөв" цэсээр орж үнэлэгдсэн төслүүдээс сонгож багц үүсгэн Сангийн яаманд цахимаар илгээхээс гадна Аргачлалын 3.8-д дурдсан жагсаалтыг хэвлэн гаргаж Ажлын хэсгийн дэлгэрэнгүй тэмдэглэлийн хамт Сангийн яаманд албан ёсоор хүргүүлнэ.
- 4.2. Төслийг үнэлэх 1-р үе шатанд өгөгдсөн нийт оноо болон төслийг эрэмбэлэх, сонгох 2-р үе шатанд өгөгдсөн нийт онооны нийлбэрээр тухайн төслийн эцсийн оноо тодорхойлогдоно.
- 4.3. Эрэмбэлэлтийн дараалалд дараах нөхцөл байдлаас бусад тохиолдолд хамгийн өндөр оноо авсан төслийг эхний ээлжид хэрэгжүүлэхээр төсвийн хязгаарт багтаан сонгоно:
- 4.3.1. давагдашгүй хүчин зүйлийн (гал түймэр, газар хөдлөлт, осол гарсан зэрэг) улмаас Улсын Их Хурал болон Засгийн газраас зайлшгүй хэрэгжүүлэхээр шийдвэр гарсан төслүүд;
- 4.3.2. нягт уялдаа холбоо бүхий иж бүрнээр нь ашиглалтад оруулах төслүүд.

Хүснэгт 1: Төслийг шалгуур үзүүлэлтээр үнэлж, оноо өгөх ерөнхий загвар

Үе шат	Шалгуур үзүүлэлт	Төсвийн ерөнхийлөн захирагч		Сангийн яам				
		Оноо	Жин	Дүн	Оноо	Жин	Дүн	
Төслийн үнэлгээ хийх	1-1	Бодлогын баримт бичигт тусгагдсан байдал	5	1.5	7.5	5	1.5	7.5
	1-2	Бусад төсөл хөтөлбөрийн хэрэгжилттэй холбоотой эсэх	5	2.5	12.5	5	2.5	12.5
	1-3	Эдийн засгийн үр ашиг, нийгмийн ач холбогдол	5	3	15	5	3	15
	1-4	Төслийн хүчин чадлын ашиглалт	5	2.5	12.5	5	2.5	12.5
	1-5	Төслийн зардлыг бүрэн тооцсон эсэх	5	3	15	5	3	15
	1-6	Төслийн болзошгүй эрсдэл	5	2	10	5	2	10
	1-7	Төсөл хэрэгжсэний дараа үйл ажиллагааг нь үр ашигтай тогтвортой удирдах туршлага, чадавх байгаа эсэх	5	2	10	5	2	10
		<b>Дүн:</b>		<b>82.5</b>				<b>82.5</b>
Төслийг эрэмбэлэх, сонгох	2-1	Засгийн газрын үйл ажиллагааны хөтөлбөрт тусгагдсан байдал	5	1	5	5	1	5
	2-2	Тухайн жилийн хөрөнгө оруулалтын бодлогын чиглэлд нийцэж буй байдал	5	1	5	5	1	5
	2-3	Тухайн жилийн үндсэн чиглэлтэй нийцэж буй байдал	5	1	5	5	1	5
	2-4	Төслийн зардлыг бүрэн тооцсон эсэх	5	3	15	5	3	15
	2-5	Санхүүжилтийн эх үүсвэрийн төрөл	5	1.5	7.5	5	1.5	7.5
	2-6	Урсгал зардлыг тогтвортой санхүүжүүлэх боломжтой эсэх, төсөвт өгөх ачаалал	5	1	5	5	1	5
	2-7	Төсөл хэрэгжүүлэх явцад гарч болзошгүй эрсдэл	5	2.5	12.5	5	2.5	12.5
	2-8	Төслийг хэрэгжүүлэх бусад нөхцөл бүрдсэн эсэх	5	1.5	7.5	5	1.5	7.5
	2-9	Төсвийн ерөнхийлөн захирагчийн эрэмбэлсэн байдал	5	1	5	5	1	5
		<b>Дүн:</b>		<b>67.5</b>				<b>67.5</b>

Тайлбар: Оноог 1-5-ын хооронд өгөх боломжтой, ач холбогдлын жин нь тогтмол байна.

## Хүснэгт 2: Төслийн үнэлгээ хийх шалгуур үзүүлэлт

Шалгуур үзүүлэлт	Асуулга	Харгалзах оноо
1-1. Бодлогын баримт бичигт тусгагдсан байдал	• Монгол улсын урт хугацааны хөгжлийн бодлогод тусгагдсан;	1 оноо
	• Бүсчилсэн хөгжлийн бодлогод тусгагдсан;	2 оноо
	• Орон нутгийн хөгжлийн бодлогод тусгагдсан;	3 оноо
	• Улсын Их Хурал болон Засгийн газрын шийдвэртэй;	4 оноо
	• Салбарын хөгжлийн бодлогод онцгойлон тусгагдсан;	5 оноо
1-2. Бусад төсөл хөтөлбөрийн хэрэгжилттэй холбоотой эсэх	• Салбар дундын хөгжлийн тэнцвэрийг хангах ач холбогдолтой;	1 оноо
	• Бусад төслийн хэрэгжилтийн бэлтгэл болно;	2 оноо
	• Хэрэгжиж буй төсөл хөтөлбөрийн хэрэгжилтэд тодорхой хэмжээгээр нөлөөлнө;	3 оноо
	• Хэрэгжиж байгаа бусад төсөл хөтөлбөрийн хэрэгжилтэд шууд нөлөөлнө;	4 оноо
	• Онц чухал төслийн хэрэгжилтэд шууд нөлөөлнө;	5 оноо
1-3 Эдийн засгийн үр ашиг, нийгмийн ач холбогдол	• Эдийн засгийн үр ашиг, нийгмийн ач холбогдол тодорхой бус;	1 оноо
	• Эдийн засгийн үр ашиг, нийгмийн ач холбогдол хязгаарлагдмал;	2 оноо
	• Эдийн засгийн үр ашиг, нийгмийн ач холбогдол дунд зэрэг;	3 оноо
	• Эдийн засгийн үр ашиг, нийгмийн ач холбогдол өндөр;	4 оноо
	• Эдийн засгийн үр ашиг, нийгмийн ач холбогдол маш өндөр;	5 оноо
1-4 Төслийн хүчин чадлын ашиглалт	• 5 дах жилээс хойш;	1 оноо
	• 4 дэх жилдээ;	2 оноо
	• 3 дах жилдээ;	3 оноо
	• 2 дах жилдээ;	4 оноо
	• Эхний жилдээ;	5 оноо
1-5 Төслийн зардлыг бүрэн тооцсон эсэх	• Төслийн өртгийг 2-оос дээш жилийн өмнө тооцсон;	1 оноо
	• Барилга байгууламжийн төсөвт өртөг тооцогдсон;	2 оноо
	• Төслийн бэлтгэл ажлын зардал, газар, барилга байгууламжийн төсөвт өртөг тооцогдсон;	3 оноо
	• Төслийн бэлтгэл ажлын зардал, газар, барилга байгууламж, тоног төхөөрөмжийн өртөг тооцогдсон;	4 оноо
	• Төслийн бэлтгэл ажлын зардал, газар, барилга байгууламж, угсрагдахгүй тоног төхөөрөмж, урсгал зардал тооцогдсон;	5 оноо
1-6 Төслийн болзошгүй эрсдэл	• Тодорхой бус;	1 оноо
	• Төслийн зорилт төдийлөн тодорхой бус, үйл ажиллагааны төлөвлөгөө өөрчлөгдөх магадлал өндөр	2 оноо
	• Төслийн зорилт нь зарим байдлаар тодорхой ч хэрэгжүүлэх явцад үйл ажиллагааны төлөвлөгөө өөрчлөгдөх магадлалтай;	3 оноо

Шалгуур үзүүлэлт	Асуулга	Харгалзах оноо
1-7 Төсөл хэрэгжсэний дараа үйл ажиллагааг нь үр ашигтай тогтвортой удирдах туршлага, чадавх байгаа эсэх	• Төслийн зорилт нь тодорхой хэдий ч хэрэгжүүлэх явцад үйл ажиллагааны төлөвлөгөө өөрчлөгдөх магадлал тодорхой хэмжээгээр байгаа;	4 оноо
	• Төслийн зорилт нь маш тодорхой бөгөөд, хэрэгжүүлэх явцад үйл ажиллагааны төлөвлөгөө өөрчлөгдөх магадлал тун бага;	5 оноо
	• Мэргэжилтэй боловсон хүчин тусгайлан бэлтгэнэ;	1 оноо
	• Гадаадаас мэргэжилтэн урьж ажиллуулна;	2 оноо
	• Ажлын байранд дадлагажуулна;	3 оноо
	• Мэргэжлийн ажиллагсад зах зээлд олдоцтой;	4 оноо
• Ижил төстэй үйл ажиллагаа хэрэгжүүлж байсан мэргэжилтэй боловсон хүчин бэлэн.	5 оноо	

### Хүснэгт 3: Төслийг сонгох шалгуур үзүүлэлт

Шалгуур үзүүлэлт	Асуулга	Харгалзах оноо
2-1 Засгийн газрын үйл ажиллагааны хөтөлбөрт тусгагдсан байдал	• Засгийн газрын үйл ажиллагааны хөтөлбөрт тусгагдаагүй;	1 оноо
	• Засгийн газрын үйл ажиллагааны хөтөлбөрт ерөнхий байдлаар тусгагдсан;	2 оноо
	• Засгийн газрын үйл ажиллагааны хөтөлбөрт тодорхой тусгагдсан;	3 оноо
	• Засгийн газрын үйл ажиллагааны хөтөлбөрийн 2-оос дээш заалтыг хангана;	4 оноо
	• Засгийн газрын үйл ажиллагааны хөтөлбөрт тэргүүлэх ач холбогдолтойгоор тодорхой тусгагдсан;	5 оноо
2-2 Тухайн жилийн хөрөнгө оруулалтын бодлогын чиглэлд нийцэж буй байдал	• Улсын төсвийн хөрөнгө оруулалтын бодлогын чиглэлд тусгагдаагүй;	1 оноо
	• Улсын төсвийн хөрөнгө оруулалтын бодлогын чиглэлтэй шинж чанарын хувьд нийцэж буй;	2 оноо
	• Улсын төсвийн хөрөнгө оруулалтын бодлогын чиглэлтэй нийцэж буй;	3 оноо
	• Улсын төсвийн хөрөнгө оруулалтын бодлогод нийцэж байгаа тэргүүлэх ач холбогдолтой;	4 оноо
	• Улсын төсвийн хөрөнгө оруулалтын бодлогын чиглэлд тэргүүлэх ач холбогдолтойгоор тодорхой тусгагдсан;	5 оноо
2-3 Тухайн жилийн үндсэн чиглэлтэй нийцэж буй байдал	• Үндсэн чиглэлд тусгагдаагүй	1 оноо
	• Үндсэн чиглэлд ерөнхий байдлаар тусгагдсан;	2 оноо
	• Үндсэн чиглэлд тодорхой тусгагдсан;	3 оноо
	• Үндсэн чиглэлийн 2-оос дээш чиглэлийг хангана;	4 оноо
	• Үндсэн чиглэлд тэргүүлэх ач холбогдолтойгоор тодорхой тусгагдсан;	5 оноо
2-4 Төслийн зардлыг бүрэн, зөв тооцсон эсэх	• Нэг маягийн зураг төсөв, жишиг үнэлгээгээр тооцоолсон;	1 оноо
	• Төслийн зардалд тодорхой ажлууд дутуу тооцогдсон;	2 оноо
	• Төслийн зардал өнөөгийн бодит зах зээлийн үнээс 20-оос дээш хувиар зөрүүтэй;	3 оноо
	• Төслийн зардал өнөөгийн бодит зах зээлийн үнээс 20 хүртэл хувиар зөрүүтэй;	4 оноо
	• Төслийн зардал өнөөгийн үнээр бүрэн тооцогдсон;	5 оноо
2-5 Санхүүжилтийн үүсвэрийн төрөл	эх • Хөрөнгө оруулалтын зардлыг улсын төсвөөс 100% санхүүжүүлнэ;	1 оноо
	• Бусад эх үүсвэрээс санхүүжүүлэх асуудал хэлэлцээрийн шатанд байна;	2 оноо
	• Хөрөнгө оруулалтын зардлын 25 хүртэл хувийг хамтран санхүүжүүлэх эх үүсвэр баталгаажсан;	3 оноо
	• Хөрөнгө оруулалтын зардлын 50-аас дээш хувийг хамтран санхүүжүүлэх эх үүсвэр баталгаажсан;	4 оноо



Шалгуур үзүүлэлт		Асуулга	Харгалзах оноо
		<ul style="list-style-type: none"> <li>Хөрөнгө оруулалтын зардлын 75-аас дээш хувийг хамтран санхүүжүүлэх эх үүсвэр баталгаажсан;</li> </ul>	5 оноо
2-6	Урсгал зардлыг тогтвортой санхүүжүүлэх боломжтой эсэх, төсөвт үзүүлэх ачаалал	<ul style="list-style-type: none"> <li>Урсгал зардал нь дунд хугацааны төсвийн хүрээний мэдэгдлийн тооцоололд тусгагдаагүй.</li> <li>Урсгал зардлыг улсын төсвөөс бүрэн санхүүжүүлэхээр дунд хугацааны төсвийн хүрээний мэдэгдлийн тооцоололд тусгасан;</li> <li>Урсгал зардлын 60 хүртэлх хувийг улсын төсвөөс санхүүжүүлэхээр дунд хугацааны төсвийн хүрээний мэдэгдлийн тооцоололд тусгасан;</li> <li>Урсгал зардлын 30 хүртэлх хувийг улсын төсвөөс санхүүжүүлэхээр дунд хугацааны төсвийн хүрээний мэдэгдлийн тооцоололд тусгасан;</li> <li>Урсгал зардлыг өөрийн орлогоор тогтвортой санхүүжүүлэх боломжтой;</li> </ul>	1 оноо 2 оноо 3 оноо 4 оноо 5 оноо
2-7	Төсөл хэрэгжүүлэх явцад гарч болзошгүй эрсдэл	<ul style="list-style-type: none"> <li>Эрсдэлийн үнэлгээ хийгдээгүй;</li> <li>Эрсдэлийн хүчин зүйлийн нөлөөлөл өндөр;</li> <li>Эрсдэлийн хүчин зүйлийн нөлөөлөл дунд зэрэг;</li> <li>Эрсдэлийн хүчин зүйлийн нөлөөлөл бага;</li> <li>Эрсдэлийн хүчин зүйлийг хянаж зохицуулах боломжтой;</li> </ul>	1 оноо 2 оноо 3 оноо 4 оноо 5 оноо
2-8	Төсөл хэрэгжүүлэх бусад нөхцөл бүрдсэн эсэх	<ul style="list-style-type: none"> <li>Нэмэлт үйл ажиллагаа, зохицуулалт шаардлагатай;</li> <li>Зарим бэлтгэл үйл ажиллагаа дутуу боловч хэрэгжүүлэх явцад тэдгээр нөхцөлүүдийг бүрдүүлэх боломжтой;</li> <li>Шаардлагатай үндэслэл, зөвшөөрөл зэргийн тодорхой хэсэг нь хангалттай бус боловч, хэрэгжүүлж эхлэхийн өмнө бүрэн хангах боломжтой;</li> <li>Үлдсэн 1-2 асуудал шийдвэрлэгдэх шатандаа байгаа;</li> <li>Төслийг хэрэгжүүлж эхлэх бэлтгэл бүрэн хангагдсан;</li> </ul>	1 оноо 2 оноо 3 оноо 4 оноо 5 оноо
2-9	Төсвийн ерөнхийлөн захирагчийн эрэмбэлсэн байдал	<ul style="list-style-type: none"> <li>Хойшлуулж болох;</li> <li>Шаардлагатай;</li> <li>Чухал ач холбогдолтой;</li> <li>Улсын Их хурал болон Засгийн газрын шийдвэртэй;</li> <li>Нэн чухал ач холбогдолтой.</li> </ul>	1 оноо 2 оноо 3 оноо 4 оноо 5 оноо